

جریدہ علمیہ

مشیخت جلید اسلامیک جریده رسمیه سیدر
محرم الحرام ۱۳۳۸

عدد ۴۹

آیدہ بر نشر اول نور

بشقی سنہ

کشف الحجاب

معلومدرکه متفکرین حاضرہ میانہ ساحتہ مناظرہ ادخال ایدلش اولان مسائلک
ریسیده اسلام قادینلرینک حجابی ، وارککلرله اختلاط ایتملی مسئلهلریدر .
بو مسئلهلرک دین عالی اسلامجه معین اولان حکم معلومی امراض اغراضدن سالم
وجدان صحیح اربابی عندندہ بالاتررد تسلیم وتصدیق اولنه جغندہ شہہ یوقدر .
قادینلرہ عائد حکم اسلامیک عکسنی دوشونلردن اولبایدہ کی احکام اسلامیک حکم
واساسات صحیحہسنہ واقف اولمیانلر واقف اولنجه قدر معذوردرلر .
جالبوکه اسلامک قادینلق حقدندہ کی احکامک استناد ایلدیکی اساسات تشریعیہنی ایشتمش
اوللرده وارددرکه بونلر مکابر اولدقلرندن بالطبع احکام اسلامیکه خلافندہ کی مطالعہلری
شایان التفات اوله ماز . فی الحقیقہ بونلرک قادینلق حقدندہ کی افکار ومطالعائی حقیقتدہ بر
اجتہاد مدنی محصولی دکلددر . مجرد شہوانی، هوائی برحسک الحاسیلہ تلفیق وترتیب اولنمش
شارلاتانقلردن عبارتدر . انسانی ، مدنی ، مقدمات ایلہ ترتیب قیاسات وجدی ، علمی
ارباب تفکرہ خاص اولان الفاظ واصطلاحاتی تشدق [۱] ایتمکله اخفای طوایا وغایات
ایلمکدہ اولان بو یادکارلرک یوزلرنده کی ریا ماسکسی رفع ایدیلنجه البتہ تمامیلہ شہوانی
حیوانی سیالرک تظاهر ایدہ جکی درکاردر .
ترقیات مدنیہدن تعالیات اجتماعیہدن دم اورہرق قادینلرک یوزندہ کی حجاب اسلامیکه
رفع ایتمک ایستیانلر بیلیمورلرکه حجاب اسلامی ترقیات مدنیہک ذروہ علیاسی تعالیات
اجتماعیکه مرتبہ قصواسیددر . مدنیت حقیقہک مابہ الاستادی بنای اجتماعیک عہدایدر .
بنیان اجتماعینی ترصین عاصیہ مدنیہنی تحمین ایتمک ایستیان ملت قادینلرینک حجابی
اک واجب الرعاہ بر شعارملی اوللق اوزرہ قبولہ مجبوردر . عالمہ بنت العنبر ام المناهی ایسہ
مکشوفیت نسوان دخی ام الدواہیددر .
بنای اجتماعیک تزلزل وانهدامدن مصونیتی ضیانت اخلاق وحیاتک جدیت ومثانتہ
وابستہدر . تسوانک رجالدن فرقسز پردہسز اولہرق برابر یشادینی مملکتدہ جدیت اخلاق

[۱] سخندانلق اظهار ایتمک ایچون آوور دینی یوروی بوکرک تکام ایلمک معناسہدر .

مئات حسیانک تأسیسنه امکان بولونه ماز. اوراده انسانلرک بتون حرکات وسکنتات وارادات وخطرات ولحظاتی . قادیندن انبعاث وابتدا وقادینده انتها ایدر . اره لرنده جریان ایدن هر هانکی بر حادثه ده عامل ومؤثر هب قادین اولور . هانکی بر حادثه نك عوامل و مؤثراتی تحقیق وتفحص اولنسه آلتنده قادین پارمنی ظهور ایدر . نته کیم بو حالت اجتماعی نك محصله سی اولان (شهرشل قام) مثلی اورالرده حالت اجتماعی نك ترجمان تیانی اولمشدره غیر مهتدی اولان قادینلرک روح غایانی منهای اغراض وآمالی مقتضای طبعه تبعاً ترین وتجمل ایله ارککلره عرض جمال ایدرک کندیلرینی سودیرمک وسولدکارینی طویمق ، آ کلامقدر . قادینلرجه هر املک فوقه چیقان امل ایشته بواملدر . اوقیل ارککلرکده فطرت وطبعاً روح غایانی قادینلره واصل اولمقدر . [قال الله تعالی زین للناس حب الشهوات من النساء] قادینلر ارککلرله تماسنده قیود مدنیه دن آزاده قالمیری اجتماعی ، مدنی برچوق مفاسدک حصوله باعث اولورکه بونلر هر صاحب ادعائک جمله مدکارتندن بولندیغندن تفصیل وتشریحه لزوم یوقدر . انسانلر طبعاً مجلوب شهوات اولدقلری حالده تربیه مدنییه قابل ومستعددرلر . تربیه مدنیه شهوت انسانی نك مفاسدینی دفع وتقیح ایله مصالحنی جلب واستبقا ایدر . کرچه شهوت انسانی اصلنده نوع انسانیتک کرک ابتدا وکرک بقاسنک عناصرصلیه واحتیاجات ضروریه سندندر . ضرورتلر کندی مقدارلرنجه تقدیر اولته جفندن شهوت انسانی نك یالکیز تناسله لازم اولان مقداریلله اکتفا اولته رق دره مفاسد ایچون آنک زواندینی منع ایتمک ضروریات مدنیه دندر . شهوت انسانی نك مقدار تناسلدن زائد قالان قسمی ، شهوت انسانی نك منظومه عالمده کی علت غاییه سنه منافیدر . چونکه فطرتده شهوت انسانی نك علت غاییه سی ابتداء وبقاء عنصر انسانی یی تولید وتکثیر وادامه در . تناسلدن فضله قالان مقدار ایشته بو غاییه نك عکسفی یعنی نسل بشرک انقطاعنی مستلزم بر سقاقت محضدر . علی العموم فطرت الهیه نك غاییه سی خیر محضدر . هر فطرتده مکنوز اولان خیر محض یالکیز آنی ماخلق لهنده استعمال ایله حاصل اولور (ماخلق لهنک غیریسنده استعمال اوتور ایسه خیر محض اولانی شر محضه منقلب اولور . شهوت فطریه انسانی نك ماخلق لهی اولان شکل مشروعه استعمالی یعنی قیود وحدود مدنیه ایله قیید وتحدیدی فطرت شهوتدن مقصود اولان مصالح وفوائد اجتماعی نی جالب وجامع ومانعی بشیریت اولان عظیم مفاسد ومهالکی دافع ومانعدر . شهوت فطریه انسانی نك تعدیل

وتهذي ايله ما خلق الهي اولان شكل مشروعه استعمالي و بناء عليه تقيد و تجديد آزاده اولان شهوتك مفاسد اجتماعيه سنى منع و قلع ايله بنیان اجتماعي بشرى مدهش برانهدامدن محافظه ايچون ساحه مدنيتده موضوع اولان مشروعات الهيه نك برنجيسى دين على اسلامك خصائصندن اولان حجاب نسواندر . بناء عليه اسلامده حجاب نسوان اويله صرف تعبدى تعصبي بر غطاي روحانى دكل آتجق شرف عفت و عصمتك نمونه سى اولان بر نقاب مدنيدر كرچه اقوام وحشيه ده عفت موضوع بحث اوله ماز فقط عفت ، بشرى نك بر فضيلتى ايسه بوفضيلت اقوام مدنيه به مخصوص ايسه انك اقوام مدنيه ده محافظه سى ضروريات مدنيه دندر . مدنيتك فضائل مخصوصه سندن اولان عفتك محافظه سى ايچون لابد اولان قيود مدنيه نك باشليجه سى حجاب نسواندر . تكشف نسوان نسوانده مطلوب اولان عفت فضيلت مدنيه سنك انعدامنه باعث اولان عواملدىن معدوددر . تكشف نسوانك اك ناقابل دفع و اعتراض اولان محذوري

قل للارانب ترع چث ماسلكت

وللظباء بلا خوف ولا حذر

مضمونجه قادين ايله اركك آره سنده اصلا بر فرق اجتماعى اولوب بيلنلرند هر درلو مناسبات اجتماعيه نك بلا مانع جرياننده محذور بولمدينى فكرينى آنلره تلقين ايتكدرد . ايشته اركك ايله قادينك بالفعل مناسباتندن حاصل اولان بتون مفاسد و شرورك قوسى بودر . آنلره ساده بيت سابقك مضمونى اوكرتمك كافى اولوب بوندن بشقه هيچ برشى لازم دكلدر آنلرجه كيفيت بويله جه معلوم اولدقدنصكره هر شى قولايدير . نته كيم قديمآ هپ بويله اولمش واليوم بويله جه اولمقده بولمشدرد .

عفت نسوان فضائل مدنيه دن معدود اولمقده برابر بنای اجتماعيك ركن عظيمى اولان محفوظيت انسال و انسايك شرط اعظميدر . محفوظيت انسال و انسايك عفت نسوانك هر وجهله اخلال و سوء استعمال ايدلمكدن مصونيتيله قائمدر . بو ايسه اخلال عفتى توليد و انتاج ايدمك اولان هر درلو اسباب و دواعى يى سد و رفع ايتمكه قائم اولور . كرچه قادينلرده پرده سزلك طوغرىدن طوغرى به اخلال عفت ديمك اولمدينى شبهه سزدر . تعبير علمى ايله پرده سزلك اخلال عفتك علت مؤثره سى دكلدر . فقط آكا موصل و مفضى اولان اسباب و وسائلندرد . هر هانكى برشنى محافظه ايچون آكا موصل اوله جق طريقى

سد و وسیله بی منع ایلك ضرور یادن و امور طبعیه دندر . پرده سزلك هر هانگی بر ارکله
مقارنتك جوازینی استلزام ایدر قادیانچون هر هانگی بر ارکله مقارنتك جواز و اباحه سی
مشهود اولسون غیر مشهود اولسون اخلاص عقی انشاج ایدم بیلیر بونده کی احتمالك قطعنه امکان
یوقدر کرچه حجاب نسوان ، بر حجاب صوریدر . حجاب حقیقی و باطنی بی استلزام ایتمز .
و هر ذوات الحدركده مطلقاً عقیفه اولسی لازمکمز ، فقط علی الاکثر ظاهر ، عنوان
باطندر و هیچ اولمز ایسه حجاب ظاهر حجاب باطنك صورتی و آنك تمثالیدر .

و هیچ اولمز ایسه حجابك نسویتیده اصل و عفتك مطلوب اولدیغنی و پرده سزلكك
خلاف اصل و معیوب اولدیغنی افهامه . بر واسطه در محفوظیت نسل و نسب ، زوجین بیتند
الفت و نکاحك بقاسنه وابسته در . الفت و نکاحك دوام و بقای زوجنهك منافع استماعی
کندیسنه انحصار و اختصاصه و بومانع اوله جق عوارضك مدفوعی حقتده هر درلو شبه
و احتمالاتدن مجرد بر قناعت قطعیه نك زوجده حصوله وابسته در . ایسته نکاح شرعاً بو
اختصاصك علت حقیقیه مؤثره سی و حجاب دخی نظر زوجده اولسون اختصاصه مانع اوله جق
عوارضك مرفوعیتك علامت ظاهره سیدر . حین ازدواجده زوجنهك ارباب عفت و صالحاتدن
و بناء علیه اختصاص مذکورى اخلاص تصدی اتمیه جککردن انتخاب اولنش اولسی ده اختصاص
مذکورك دوام و مصونیتده خادم اولان عواملدن معدوددر . فقط علی الافراد ادامه اختصاصه
کافی دکلددر . حجابدن و سائر قیود اختصاصیه دن آزاده اولان بر پیراهن عفت هر زمان
چاك اولمغه مستعددر . نسوان طرفی عالمی رسالتپناهیدن سریع الانکسار و ناقابل انجبار
اولان قواریره تشبیهاً انجشیه خطاباً (یا انجشیه و رویدك سوقك بالقواریر) بیورلشدر .
نسوان ، دائماً و طبعاً و عرضیه تجاوز ذکور اولوق حسیلله ولو الك غیر مرئی و الك غیر
محسوس بر طریق ایله حریم عفتدن خروج اتملری اصلاً مستبعد دکلددر .

تجمل ایلمز زور هوایه پرده عصمت
کریبان چاک کل دست بیداد صبا دندر

پرده سز اولان نسواندن بر قسمی واردر که خیریت نسویه بی شاعره
هن الحرائر لاریات اخره سود المحاجر لایقرآن بالسور

دیدیکی و جمله هر درلو قیود حیاتیه و ایجابات دینه دن تجرد و انخللاع ایله نجانت [۱]

[۱] بر کیسه قلت حیدان ناشی قول و فعلنده بی باک و لا باالی اولوق مناسنه در .

وخلاعتله یشامق معناسیله تلقی ایدر لر. بوقسمك موجودیتدن هیأت اجتماعیه هم متضرر اولور. همد. استیجا ایدر. ومع هذا طرز حیاتی محافظه انسال وانساب بشر حکمتك اخلاقیه مستلزمدر دیگر بر قسمی واردر که اصلاً ارباب عفتدن اولدقلری جالده دائماً عرضه تجاوز ذکور اولمق احتمالك وبوکا بعضاً سوق طبیعتله مغلوبیتك نتایج مؤسفه نك تحت تهدیدنده در. عرضه تجاوز اولمق ایسه بر ابتذال و امتحاندر. اخلال عفت مفسدتی دخی بر تهلکه در. بو اعتبار ایله بوقسم قادینلر محتاج صیانت و حمایه در لر. بناء علیه بونلرایچون اتخاذه لازمکلان اسباب تحفظیه نك باشلیجه سی حجابدر.

دین مبین اسلامده انسانلرك حکمت اجتماعیه سنه الك بیوك اهمیت عطف ایدلایکنندن. تشریع ایدیلان احکامده حفظ نسل ونسب، (حفظ دین، حفظ نفس، حفظ عقل، حفظ مال کی) مقاصد ضروریه دن عد ایدلشدر. حفظ نسل ایچون حرمت زنا حکمی حصول نسل ایچون ده مندویت نکاح مشروع اولشدر.

زنا نسل ونسب ضیاع وفواتی مستلزمدر. نکاح نسل ونسب تکثرینی موجبدر. زنا نطفه نسلک اصلی اولان ماء رجلیتک اضاعه سنی مستلزمدر. نکاح بومالك محافظه سیله محلنه، ماوضع لهنه صرفی مستلزمدر. مذهب حنفیه زنا ایله نسب ثابت اولماز، ثبوت نسب نکاحه مخصوصدر. ثبوت نسب نکاحک خصائصنددر. واکا مخصوص بر شرفدر. شافیه عندنده زنا ایله حرمت مصاهره ثابت اولماز. زیرا حرمت [۱] مصاهره نکاحه مخصوص بر نعمتدر. چونکه نکاح ایله اجنبیه امهاته التحاق ایدر وکندیسیله خلوت ومسافرت حلال اولور. زنا ایسه حرام محضدر. نعمته سبب اوله ماز. زیرا حکم ایله سببه بیننده مناسبت بولمقی لابددر.

بناء علیه شرع اسلامده کرك قادینك حفظ ناموس وشرقی وکرك زوجینك دوام الفتی ایله برابر نسبک حصول وحفظی ایچون وجوب حجاب مندویت نکاح زنا ایله وانك دواعیسی اولان بالجله افعال و جلالتک حرمتی تشریع بیورلشدر.

ایشته تکشف نسوانك مملکت مزده موجب اوله جنی مناسد اخلاقیه واجتماعیه نك

[۱] حرمت مصاهره درت نوع حرمتدر که موطنه نك آباء واطنه حرمتی (وان علوا) موطنه نك ابناء واطنه حرمتی (وان سفلا) موطنه نك والده لرینك واطنه حرمتی (وان علون) موطنه نك بناتنك واطنه حرمتی (وان سفلین)

رفعه مدار اولمق اوزره حجاب نسوان نکاح ایله نفقات نسوان حقنده کی احکام شرعیه نک
مأخذ وتفرعاتیله برابر تفصیل وتشریحنه مبادرت اولنور .

اولا حجاب نساء ایله متعلقاتی حقنده کی نصوص شونلردر . (یا نساء النبی لستن کاحد
من النساء ان اتقن فلا تخضعن بالقول فیطعم الذی فی قلبه مرض وقلن قولا معروفاً
وقرن فی بیوتکن ولا تبرجن تبرج الجاهلیة الاولى . یا ایها الذین آمنوا لاتدخلوا بیوت
النبی الا ان يؤذن لکم الی طعام غیر ناظرین اناء ولكن اذا دعیتم فادخلوا فاذا طعمتم
فانتشروا ولا مستأنسین لحديث ان ذلکم کان يؤذی النبی فیتسحی منکم واللہ لا یتسحی
من الحق واذا سألتموهن متاعاً فاسألوهن من وراء حجاب ذلکم اطهر لقلوبکم وقلوبهن
وما کان لکم ان تؤذوا رسول اللہ ولا ان تنکحوا ازواجه من بعده ابدا ان ذلکم کان
عند اللہ عظیماً . (یا ایها الذین آمنوا لاتدخلوا بیوتاً غیر بیوتکم حتی تستأنوا وتسلموا
علی اهلها) یا ایها النبی قل لازواجک وبناتک ونساء المؤمنین یدنین علیهن من جلا بینهن
ذلک ادنی ان یعرفن فلا يؤذین وکان اللہ غفوراً رحیماً .

بویات کریمه دن بزنجیسی قلبنده مرض اولانک طمعنی موجب اولماق ایچون قادیلرک
بیانچی ارککاره قولاً خضوع ایتملرینی وشائبه تمهتدن عاری سوز سولملرینی وخانه لرنده
مکین اولوب سواقلرده جاهلیته مخصوص اولان اطوار متبرجانه ایله کزیمکدن صاقینه لرینی .
ایکنجیسی آخرک خانه سنه بلاستیدان داخل اولماملرینی قادیلردن طلب ایدزه جکلری
هرهانی بر شیئی مطلقاً پرده آرقه سندن طاب ایتملرینی و بو صورتک هر ایکی طرفک
طهارت قلبه هر صورتدن زیاده خادم اولدیغنی .

اوجنجی آیت قادیلرک سواقعه حقیق قلدنده تصادف ایدن ارککار طرفدن طانیله رق
اذا لینه معروض اولماق ایچون یوزلریله بدئلرینی ستر ایتملرینی مین بولمشدر .
(ولایبیدن زینهن الا لبعولتهن الی قوله لم یظهروا علی عورات النساء) آیت کریمه سی
دخی قادیلرک زینت محللرینی ارککارندن ماعداسنه اظهار ایتملرینی ماطقدر .

صحیح بخارینک کتاب النکاحنده (باب لاتأذن المرأة فی بیت زوجها لاحد الا بأذنه
حدثنا ابوالیمان حدثنا شعب حدثننا ابوالزناد عن الاعرج عن ابی هریره رضی اللہ عنه ان
رسول اللہ صلی اللہ علیه وسلم قال لایحل للمرأة ان تصوم وزوجها شاهد الا بأذنه ولاتأذن فی بینه
الا بأذنه وما نفقت من نفقة من غیر امره فانه یؤدی الیه شطره ورواه ابوالزناد ایضاً عن موسی

عن ابيه عن ابى هريرة في الصوم باب حدثنا مسدد حدثنا اسماعيل اخبرنا التيمي عن ابى عثمان عن اسامة عن النبي صلى الله عليه وسلم قال قمت على باب الجنة فكان عامة من دخلها المساكين واصحاب الجدة محبسون غير ان اصحاب النار قد امر بهم الى النار وقت على باب النار فاذا عامة من دخلها النساء . لفظيله مندرج اولان حديث شريف لر دخی زوجته نك اذن زوج اولمقشرين نافله وياخود على التراضى واجب اولان اوروجى طوتسمى وخانه سنه آخرك دخوله اذن ويرمى حلال اولمديغنى ونسانك على الغالب نهى مذ كورك خلافى ارتكاب ايتدكرندناشى داخل نار اولنلرك اكثرينى تشكيل ايتدكرينى ناطقدر .

ينه صحيح مذ كورك باب مذ كورنده (باب المرأة راعية في بيت زوجها حدثنا عبدان اخبرنا عبد الله اخبرنا موسى بن عقبة عن نافع عن ابن عمر رضى الله عنهما عن النبي صلى الله عليه وسلم قال كلكم راع وكلكم مسئول عن رعيته والامير راع والرجل راع على اهل بيته والمرأة راعية على بيت زوجها وولده فكلكم راع وكلكم مسئول عن رعيته) حديث شريف دخی زوجته نك خانة سيله چوجفك محافظ ومؤمنى اولوب آنلرك محافظه سندن مسؤل بولنديغنى ميندر .

ينه صحيح مذ كورك باب مذ كورنده (باب لا يخلون رجل بأمرأة الاذو محرم والدخول على المرأة المغيبة حدثنا قتية بن سعيد حدثنا ليث عن يزيد بن ابى حبيب عن ابى الخير عن عقبة بن عامر ان رسول الله صلى الله عليه وسلم قال اياكم والدخول على النساء فقال رجل من الانصار يا رسول الله افرايت الحمى قال الحمى الموت حدثنا على بن عبد الله حدثنا سفيان حدثنا عمرو عن ابى معبد عن ابن عباس عن النبي صلى الله عليه وسلم قال لا يخلون رجل بأمرأة الا مع ذى محرم فقام رجل فقال يا رسول الله امرأتى خرجت حاجة واكتبنت في غزوة كذا كذا قال ارجع فحج مع امرأتك) لفظيله مندرج اولان حديث شريف دخی ذى محرم اوليسان ارككلرك قاديئلرك بولنديغنى مكانه كيرما ملرني وزوجك برادر وبرادر زاده سنى مثللو قاديئلرك دخی يالكز اوله رق قاديئلرك زدينه دخولى اولوم مثابه سندن اولديغنى وهيچ بر ارككلرك ذى محرم برابر اولمقشرين بر قاديئلره خلوت ايتامنى ناطقدر . ينه صحيح مذ كورك كتاب مذ كورنده باب الغيرة وقال وراد عن المغيرة قال سعد بن بغيرة قال عبادة لو رايت رجلاً مع امرأتى لضرته بالسيف غير مسفح فقال النبي صلى الله عليه وسلم اتعجبون من غيرة سعد لانا

اغیر منه والله اغیر منی حدثنا عمر بن حفص حدثنا ابی حدثنا الاعمش عن شقیق عن عبد الله
ابن مسعود عن ابی صلی الله علیه وسلم قال ما من احد اغیر من الله من اجل ذلك حرم
الفواحش وما احد احب الیه المدح من الله حدثنا عبد الله بن مسلمه عن مالک عن هشام
عن ابیه عن عائشة رضی الله عنها ان رسول الله صلی الله علیه وسلم قال یا امة محمد ما احد
اغیر من الله ان یری عبده او امته یرئی یا امة محمد لو تعلمون ما اعلم لضحکمتم قليلا ولبکتم
کثیرا حدثنا ابونعیم حدثنا شیبان عن یحیی عن ابی سلمة انه سمع ابا هريرة رضی الله عنه
عن النبی صلی الله علیه وسلم انه قال ان الله یغفار و غیرة الله ان یأتی المؤمن ما حرم الله .
حدیث شریف لری دخی ار کیکلرک قادینلرینی قیصقائمه لرینک ممدوحیته دائر در . نصوص
مسروده ایله برابر - نصوص وادله - سائر مه مطلع اولان مجتهدین عظام و قههای
کرام حضراتک اولبایدکی بیاناتنه کلنجه بدائع الصلأک کتاب الاستیجابنده
(واما حکم الدخول فی بیت الغیر) فصلنده غیرک خانهنه داخل اولان اجنبی ویا محارمندن
بری اولقدن خالی دکلدر . اجنبی ایسه بلاستیدان داخل اولسی حلال اولماز (اقوله تبارک
وتعالی یا ایها الذین آمنوا لا تدخلوا بیوتا غیر بیوتکم حق تستأنسوا وتسلموا علی اهلها خانه ده
کیمه بولندون بولمنون چونکه نظم جلیک (فان لم تجدوا فیها احدا فلا تدخلوها حتی
یؤذن لکم) بیورلمشدر . بونظم جلیل استیدانک مجرد خانه ده ساکن اولنلرک شخصی
ایچون اولیوب ماللرینه ده شامل اولدیغنه دلالت ایدسیور . زیرا انسان نفسی ایچون اولدیغی
کبی مالی ایچون دخی پرده انخاذ ایدر . وکندی نفسنه غیرک اطلاعندن نفرت ایتدیکی کبی
مالنه ده اطلاعندن نفرت ایدر . ایمدی برکیمه سیه استیدان ایلدیکی خانه دن اذن ویریلیر
ایسه دخول حلال اولور آتی متعاقب خانه خلقنه سلام ایدر . دخوله اذن ویرلمزده عودتی
امر اولتور ایسه عودت ایدر . قبوده اوطورروب بکللمسی مکروهدر . زیرا نظم جلیلده
(وان قیل لکم ارجعوا فارجموا) بیورلمشدر . و چونکه ناسک خانه لرینده ایشلری اولور
زائر قبوده اوطورروب انتظار ایله آنلری ازعاج ایتشی وایشلرینه مانع اولمش اولور .
بناء علیه آنک حقنده کبرو دونک اوطورروب بکللمکدن خیرلیدر وذلك قوله تعالى -
هوا زکی لکم .

داخل ، صاحب خانه نک محارمندن وزینت ظاهره وباطنه نک محللرینه نظر ایتشی
جائر اولان کیمه لرذن اولسه دخی استیدان ایلسی لازمدر . زیرا سالف الیان نص جلیل

اولبايد عامدر زيدا بر خاتونك محارمندن اولان بر كيمسه بلا استيدان داخل اولديني
تقديرده خاتونك مكشوفة المورة بولنسي محتمل اولوب بو حالده داخلك نظري
عورته اصابته مرايكينك نفرت ونا خشوديني موجب اولور وهكذا روي ان رجلا
سأل النبي صلى الله عليه الصلاة والسلام وقال انا اخدم امي وافرشها الى استاذن عليها
فقال رسول الله صلى الله عليه وسلم نعم فأنه ثلاثا فقال عليه الصلاة والسلام يسرك ان تراها
عريانة فقال لا قال استاذن عليها وكذا روي عن حذيفة رضى الله عنه ان رجلاً سأله
فقال استاذن على اخي فقال رضى الله عنه ان لم تستاذن رأيت مايسوءك بونلردن برنجي
حديثه آدمك بريسي رسول الله صلى الله عليه وسلمه سؤال ايدرك ديمش كه بن والدهمه
خدمت ايدرم آنك زدينه دخول ايجون استيدان ايلكلكم لازمكليمي؟ رسول الله صلى الله
عليه وسلم اوت بيوردلر . اول آدم عين سؤالى اوج دفعه ايراد ايتديكندن رسول الله
صلى الله عليه وسلم اول آدمه جواباً والدهكى عريان كورمكلتك سنك خوشه كيدرمي
بيوردي؛ اول آدم خيزديدي. رسول الله صلى الله عليه وسلم ايله ايسه والدهكك زدينه دخولده
استيدان ايت بيوردي وايكنجي حديثه آدمك بريسي حذيفه رضى الله عنه سؤال ايتمش كه
همشيرمك زدينه داخل اولوركن استيدان ايدهمي، حذيفه رضى الله عنه جواباً اكر
استيدان ايتمش ايسهك بلكه سنى كدرلديرمه جك برشى كورورسك ديدى .

بدايمك كتاب مذكورنده نظر بمحتده اجنيك حراولان اجنيهك يوزيله اووجلرندن
معاداسه نظر ايتمي حلال دكلدر . زيرا نظم جليلده (قل للمؤمنين يغضوا من ابصارهم)
بيورلمشدر آجقي (ولا يبد بن زينتن الا ماظهر منها) نظم جليلي ايله زينت ظاهره محلى
اولان يوز ايله اووجلره نظره رخصت اعطا بيورلمشدر . زينتن مراد زينت محلىيدر
زينت ظاهرهك محلى يوز ايله اووجلردر سورمه يوزك ، يوزوك دخي اووچك زينتيدر .
وچونكه قادين بيع وشرا ايله اخذ واعطايه محتاج اولور عادتاً بوايشلريني يوزيله اووچني
آچمندن اجرايه قادر اوله ماز . بناءً عليه يوزيله اللريني آچمي حلال اولور . بو جواب
امام اعظم ابوحنيفهك قوليدر (يعنى ظاهر روايتيدر . حسن ، ابوحنيفه دن آياقلرده نظر ك
حلال اولديني روايت ايتمشدر .

مع هذا قادينك زينت ظاهره محلىرينه نظرك حلى شهودن عاري اولقله مقيددر . عن
شهوة بونلره نظر دخي حلال دكلدر . زيرا عليه الصلاة والسلام اقتدى (العنان ترنيان)

بیورم شد. کوزلر زنا ایدرلر دیمکدر. کوزلرک زناسی شهوتله نظرندن بشقه برشی دکدر. و چونکه شهوتله نظر حرامه دوشمه مک سبیدر. بناءً علیه نظر شهوت دخی حرام اولور. بو حکمدن حالت ضرورت مستنادر بوده شاهد ویا حاکم اولمقدرد. شاهد اذای شهادتمه حاکم انسانای حکمده شهوتدن امین اولمه دخی قادینه نظر ایتمسده بآس یوقدر. زیرا مواقع ضرورتده حرمانک اعتباری ساقط اولور. کذلک بر قادینی تزوج ایدمه جک اولان کیمسه مک و او عن شهوة اول قادینک یوزینه باقمسده بآس یوقدر. زیرا تقدیم نظرندن صکره نکاح زوجین بینتمه تحصیل مقاصد داعی اولان الفت وموافقک حصوله دهها زیاده دلالت ایدیمکدر. بوده بنی علیه الصلاة والسلام اقدمزک مغیره بن شعبه بر خانونی تزوجه طالب اولسی اوزرینه مومی الیه کیت قادینه باقی زیرا اولجه باقی بینکزده دوام الفت وموافق ایچون اولدر. بوند علیه الصلاة والسلام اقدمز مغیره بنی علی الاطلاق نظره دعوت وبونی نظرک الفت وموافقته وسیله اولمقلم تعلیل بیورم شد. وزیلعینک کتاب الکراهیه سنده فصل فی النظرده قادینه نظرده فته ملخوظ اولدیغندن طولانی اصل اولان قادینه نظر جائز اولماقدر و بو سیدناشی علیه السلام (المرأة عورة مستورة) بیورم شد قادین عورت مستوره در. شرعک استنا ایلدیکی عضوین مذکورین خارجدر. مستنا اولان عضوین ماعدا سانه نظر جائز دکدر. علیه الصلاة والسلام اقدمز حضرتلری من نظر الی محاسن امرأة اجنبیه صب فی عینه الانک یوم القيمة بیورم شدرد. اشبو حدیثه مبنی مرأة اجنبیه مک یوزینه شهوتله نظرک عدم جوازی اصلدر آنجق مواقع ضرورت مستنادر.

اکمل الدین بارتینک هدایه شرحی عنایده قیاس اولان ارککک قادینک تپه سندن آیاغنه قدر نظر ایتمسی جائز اولماقدر بوکا المرأة عورة مستورة حدیث شریفده اشارت بیورم شد مؤخرأ حاجت و ضرورته مبنی استحساناً ولا سیدیدین زینهن الاماظهر منها قول جلیله استأذاً وجه وکف استنا الیه بونلره نظر اباحه قیلم شد زینت ظاهره بنی علی وابن عباس حضرای کحل وخاتم الیه تفسیر ایتم شدرد که مراد یونلرک موضعلر بدر. فتح القدیر تکمله سنده هدایه ده یوم بحثده علی وابن عباس حضراتنک قوللر بنی فخلدن مقصد ارککک مرأة اجنبیه مک یوزیه آووجه نظر ایتمسک جوازینه استدلالدر شو قدرد که مشارالیه مانک قوللرینک بوکا دلالتی غیر واضحدر زیرا ظاهر اولان سورمه مک محلی ساده

کوزدر یوزک تمامی دکلدر کذا یوزوکک موضعی بارمقدر آووجک تمامی دکلدر مدعی ایسه
اجنبیه نک یوزینک تمامی آووجلرینک تمامی نظرک جوازیدر بناء علیه اولی اولان بومثله
استلالده مرأه نک یوزیه آووجه نظره رخصت حقند وارد اولان اخبار و آثاره
صیورند. منها ماروی ان امرأة عرضت نفسها علی رسول الله صلی الله علیه وسلم فظفر
الی وجهها ولم یرفیها رغبة ومنها ماروی ان اسماء بنت ابی بکر دخلت علی رسول الله
صلی الله علیه وسلم وعلیها ثیاب فاعرض عنها رسول الله صلی الله علیه وسلم وقال یا اسماء
ان المرأة اذا بلغت المحيض لم یصاح ان یری منها الا هذا وهذا وأشار الی وجهه وكفیه
هدایه نک (فاذا خاف الشهوة لم ینظر من غیر حاجة) قولک شرحنده علامه اکمل الدین
عنایه ده اقواله صلی الله علیه وسلم لعلی رضی الله عنه لاتتبع النظرة النظرة فان الاولی لك
والثانیة علیك یعنی بالثانیة ان یبصرها عن شهوة انتهى علی افندی فتوا سنده عیناً شوسؤال
وجواب مندر جدر (هندقر قرینداشی زینک زوجی زیداجنبیه کورونمک جائز اولورمی
الجواب اولماز .

(وینظر الرجل من الحرة الاجنبية الی الوجه وهذا فی زمانهم اما فی زماننا فیمنع
من الشابة) جامع الرموز فی نکاح المحیط (ذکر - الناطقی المرأة المحرمة ترخی علی وجهها
خرقة وتجا فی عن وجهها دلت المسئلة علی ان المرأة منهية عن اظهار وجهها للرجال
من غیر ضرورة جمع الفتاوی فی کتاب الحظر والاباحة) .
بونصوص ونقول شرعیه نک محصله سی شودرکه مدیت حاضره نک لوازمندن اوله رق
شدله مرعی بولان استیذان زیارت دین اسلامک نصوص عیدیه ایله ثابت اولان مأموراتی
جمله سندن اولوب اوروپا مدینتک خصائصندن دکلدر . استیذان لوازم مدیت اولدینی کیه
حجاب نسوان دخی لوازم مدینتندن در . متقدمین اصل اولان قادینک تپه سندن آیاغه قدر
عورت مستوره اولسی حبیلله یوزیه الیری داخل اولدینی حالدیه هیچ بریرینه باقی
جائز دکل ایکن ضرورت ونصه مبنی استحساناً یوزیه الیرینک کشفیه یا لکنز بونلره نظر
ایلمکه جواز ویرمشلر ایدی متأخرین اخلاق رجال ونسائک اخیراً فسادینه مبنی جواز
مذکور ، متقدمینک زمانلرینه مخصوص اولوب زمانمزدده ایسه کنج قادینک یوزینه نظرندن
رجالک وقادینک منع اوله جفنی یوزینی از کلکله آچمقدن منهیه اولدینی تصریح ایشلردر .
بالاده سرد اولنان حدیث شریفلر میسانده بالخاصه بخارینک حضرت ابو هریره دن

مروی اولان لاتیجی للمرأة ان تصوم وزوجها وشاهد الا باذنه ولا تأذن فی بته الا باذنه ، حدیثی ایله عقبه بن عامردن مروی اولان (ایاکم والدخول علی النساء فقال رجل یا رسول الله افرایت الحمو قال الحمو الموت حدیثی وابن عباس حضرتلرندن مروی اولان لایخولون رجل بامرأة الامع ذی محرم) حدیثی زمانمزده داخلده خارجده ییانجی ارککلرله اختلاطده کوسترلمکده اولان مبالانسزلق عادت سیده سنک نه درجه مغایر شریعت اولدیغنی اعلان ایدیور بو حدیث شریفلرده قوجه سی اوده اولمیان قادینک خانه زوجه ییانجی ارککی قبول ایتمی وحقی قاین برادرینی دخی قبول ایدرک آنکله خلوت ایتسنک غیر جائز وقاین برادرک مفسدت جهتیه عین موت اولدیغنی کصربح بیورلمشدر .

ینه صحیح بخارینک کتاب النکاحنک (باب الغیرة نده معیره دن مروی اولان حدیث شریف مألده صحابه کرامدن سعد بن عبادہ حضرتلری هانکی بر ارککی زوجه مله برابر کورسه امی قلیجک کسکین طرفیله اورورم دیمش رسول الله صلی الله علیه وسلم صحابه سائرده خطاباً سز سعدک قیصقانه سندن تعجب ایدرمیسکنز آند اولسون که بن آندن دهازیاده قیصقانهجیم الله ده ییانجی قادینله ارککک بر آرایه کلسنه هیمزدن زیاده غضب ایدر . بیورمشدر ودیکر حدیث شریف مألده حق تعالی حضرتلرندن زیاده قنالغه غضب ایدن یوقدر . فواحش ومنکرا می آندن طولانی حرام ایتدی بیورلمشدر ودیکر حدیث شریف مألده ای امت محمد کوله سنی ویا جاریه سنی زنا ایدرکن کورمکدن طولانی اللهمدن زیاده غضب ایدن یوقدر ای امت محمد سز نیم بیلدیکی بیلسه یدیکز آز کولر چوق آغلاردیکسن) ودیکر حدیث شریفده الله تعالی قنالغه غضب ایدر ، الله تعالینک غضبی مؤمنک محرمات الیهیه تقرب ایتسندن در . بیورلمشدر زوجینک بر برینی قیصقانه می دیندارلقدن ، نامو - سکارلقدن ومجبتدن ایلری کلیر . قیصقانه می دین وعرض وناموس اوزرینه حریص اولق دیمکدر . دیکر طرفدن زوجینک روحی اولان اختصاصی اسیرکه مک وآنک اوزرینه تیرمه مک درکه سعادت عائله وبونک لازمی اولان حصول وحفظ نسل ونسب آنجق آنکله قائمدر . زوجین بینده متقابلاً قیصقانه خلق موجود اولمیان وبالعکس هر بری دیکرینک اطوار واوضاعنه قارشی مبالانسز یشایان بر عائله نک حالی پریشانلقدر . مجربا تندرکه بو مبالانسز لنگ یک آجی ندامتلی وارددر . خلقتده بعض مستننا اشخاصده وارددرکه قنالغه

بیله رك راضی اولور یاخود اشتراك ایدر بو کیلرك دین و ناموس محیطنده یری اولیوب
لسان یاسده ناملری معلومدر .

قادیلرك خانه لرندن چقه رق سوقاقلرده ارککلرله تماسده بولمسی مسئله سنه کلهجه : بو
مسئله نك حیات اجتماعیة مملکته تعلق حسبیه يك بیوك اهمیت و ایدر . مسئله نی سطحی
نظرا محاکمه ایدنلر و یاخود قادیلرك علی الاطلاق تبرج و تبرزند ذوق آلان هواپرستلر
قادیلرله یتشمش قیزلرك هیچ بر قید و شرطه تابع اولمق سزین سوقاغه چیقمه لرنده یبانهی
ارککلرله مناسبده بولمکلرندن بیوك کوچك مؤسسه لرده دکانلرده چالیشمه لرنده هیچ بر
محدور یوقدر . بالعکس حیات مملکتك انکشافی نامنده الك ای بر حرکتدر . قادیلرك
ارککلردن هیچده فرقی یوقدر . مملکت قادیلرك فعالیتته و مساعی رجاله اشتراک کنه
محتاجدر . بو احتیاجی نظره آلاماق بونك خلافتی دوشونمك جهل ویا تعصبدیر دیرلر .
مسلماننددر که هر مملکت ، مدنی بر حیات اجتماعیة به محتاجدر . والیوم دنیانك هر طرفنده
هر مملکت کندی محیطه ، عنعنات ، عادات و احتیاجانه اقلیمه کوره حیات اجتماعیة سنده
بر اصول قبول ایتمش و او اصوله صادق و محب اوله رق آتی تعقیب و ادامه یه ساعی بولمشددر .
بو اعتبار ایله درکه هیچ بر مملکت حیات اجتماعیة سنده تعقیب ایتمکده اولدینی اصولدن
طولانی تعیب اولنه ماز و کندی محیط و عنعنات و احتیاجانه او یغون اوله رق عصر لرجه
کندیسنی یشاتمیش اولان اصول حیاتی ترك ایله کندینك محیط و احتیاجانه عنعنات و عاداتنه
غیر موافق اولان اصولی قبول و تقلیده اجبار ایدیله ماز . عاداتی طوغوران احتیاج احتیاجی
طوغوران محیطدر . عادت ، جیره ، قسره ، امره ، تابع دکلدر . دنیاده نفوس بشریه نك
مطلقا طوعاً و هیچ بر امر خارجینك مداخله سی اولمق سزین قبوله محتاج اولان برشی
وار ایسه اوده عادتدر . عادت ترك اولمز . ترجمه (عادت ایتمه عادتی بوزمه) تنبیی
مشهور دردر . هر مملکتك عادتی احتیاجانه او یغون کلمش و آلمك روحنه نفوذ ایتمش در . اوکا
طوقونولماز و اونکله اوینامز . چونکه او عادت اونك شقیقه روحی اولمشدر کیسه شقیقه
روحندن وازکجه ماز . بر مملکتلی خارج مملکته کیسه وابتداء کیتدیکی ترك سماعاً عاشقی ده اولسه
مطلقا کندی مملکتی آزار و اورانك عاداتی حالاتی ، کیفیاتی ایسترا اولزلر . اما کندی
مملکتی نه قدر سونوك و کیتدیکی مملکت نه قدر نظرربا اولورسه اولسون هیچ بر کیفیت اونك
روحنده مملکته قارشی حس ایده جکی هیجاندن اشتیاقه اصلاً غلبه ایده ماز . بو حالت

روحیه بی نفسنده تجربه ایتدک انسان بک نادر در . حضرت معاویه نك كلب قبیله سندن
کتریدیکی زوجہ سی میسون بنت بحدلک

للہس عباة و تقر عینی احب الی من لبس الشفوف

و قصر تخفق الارواح فيه احب الی من قصر منیف

بیتلریه صحابه کرامدن بلال حبشینک هجرتدن صکره ترم ایدرک سوبلیدیکی

الالیت شعری هل ایتین لیلہ بواد و حولی اذخر و جلیل

و هل اردن يوماً مياہ مجنة و هل یبدون لی شامہ و طفیل

بیتلری طبیی اولان حسیات وطنیه بی ایضاح ایدن اک پارلاق مثاللردندر .

بر مسلمان قادی بی بلا قید سواقه جیقوب ارککلرله بی پروا مناسباتده بولنه ماز .

ارککلرله اولان مناسباتده بعض قیود و شروط معقولیه رعایتہ مجبور اولور . بو حالی

آنک زوجی و عائله سی و یا خود سائر خلق خوش کورمکه آیشمش درکه بوکا کیمسه برشی

دیماک لازمدر . برمسلمک زوجنده اختصاص زوجیت خصوصنده تقید اک حائر اهمیت

برمسئله اولدیغندن اولاباده اولانجه شدیلہ تقیده مبالاته آیشمش در . آنک نظرندہ ناموس

مفهوم کلیسی اخلاقیات شخصیه ایله تکمیل ایتماز . اختصاص زوجیت عفت عائلہ رکندن

انفکاک ایدہ من . انفکاک ایدر ایسه منعدم اولور . بناء علیه مسلمان اختصاص زوجیت

و عفت عائلہ مسئله سی اک معظم برمسئله حیاتیہ عد ایدر . بوکاده کیمسه برشی دیماک

لازمکلیر . چونکه بو حسی آنک روحنه مخصوص برشیدر . عالمده روحیاتہ اصلا مداخله

جئر دکلددر . روحیات ؛ طبایع دیماکدر . مذهبدن بحث اولنور طبیعتدن بحث اولنماز

دیرلر بک طوعریدر . مذهب معقولاته تعلق ایدر ، معقولاته هر کس مداخله ایدہ بیلیر .

چونکه عقل سلیمک مقتضای بردر طبیعت ایسه قابل اشتراک و مداخله دکلددر . چونکه

طبیاع و باخصوص عادات و امزجه مختلفدر . یالکیز برملکستده جاری اولان عادتک حکمت

اجتماعیه بشر نقطه نظرندن مطالعه سی جائزدر .

فطرت قادیلری ارککلردن بر چوق خصوصده تفریق ایلمش اولدیغندن بشریتک

آنلرک مساعی و فعالیتدن استفاده سی بلا مفسدت اولق ایچون مدنی ، انسانی برطاقم قیود

و شروط تحتده اولق ضروریدر . قادیلرک مساعی حیاتییه اشتراک کنده قیود عفت

و حدود شریعتہ رعایت ایدلیدیکی تقدیرده مفسدت ترجیح ایتمش اوله جفتدن بو حالده آنلرک

مساعیستند ملحوظ اولان مصالحدن استغنا اولمسی لزومی حاصل اولور . زیرا رد مفاسد

جلب مصالحدن اولیدر .

قادینلرک ارککلرله سربست مناسباتده بولمسی شهرا مدینتده ترقی ایتیش اولان هر هانکی بر قومک اخلاقیاتی افساد ایتمکدن خالی قاله ماز افکارنده ، روحنده مادیت و بهیمیتک فوقنده قدسی ، علوی هیچ برغایه بر اقاماز بالعکس انسانلرله بهائم ارمسندگی فرقک مرفوعیتنه سبب اولور . ایشته بوده طبیعت و فطرتنه مغایردر . قدسی ، علوی مفکوره روح بشریتک الک بیوک بر احتیاجدر . قدس مفکوره سز بشریت قائم اوله ماز . بوده محاکمات عقلیده بدیهات قضایادندر .

دین اسلام قادینلرک علوم و معارف و کمالات انسانیه فی اکتسابه ساعی اولملری و مساعیلرندن مملکتلرینه ایثار فوائد ایللری منع ایتامش و بو خصوصده انلری ارککلردن تفریق ایلامشدر . حامیسز اولان قادینلری بالذات احتیاجات معیشتلری تدارکدن وذات الزوج اولان قادینلرله ولسی اولان قیزلرک احتیاجات ضروریه لری و مشروع اولان مصالح ایچون اذن ولی و یا زوج ایله سوقاغه چیقمقدن منع ایتامشدر . یالکیز آنلره حدود شرعیه نی تجاوز ایتاملری عفت و ناموسلری محافظه ایتلری شدتله امر ایتمشدر .

اشباهک (عدم ترین و تطیب شرطیله حمام ایچون اذن زوج ایله خروج ایده بیلیر) قولنک تحشیه سنده حموی دیورکه عدم ترین و تطیب دخول حمام ایچون خروجه خاص دکلدز . بالعکس قادینک هر خروجنده شرطدر . محقق ابن الهمام دیمشدرکه قادینه خروجی اباخه ایلدیکمز هر هانکی یرده خروج انجق تیزن ایتامک و هیئت و قیافتی رجالک نظری جلب و دعوته مؤدی برشکله قلب و تغیر ایلامک شرطیله مشروطدر .

قال الله تعالى ولا تخرجن تبرج الجاهلیة الاولى

صحیح بخارینک کتاب النکاحده (باب خروج النساء لحوائجهن حدثنا زوة بن ابی المغراء حدثنا علی بن مسهر عن هشام عن ابیه عن عائشة قالت خرجت سودة بنت زمعة لیلا فرأها عمر ففرها فقال انک والله یاسودة ماتحفين علینا فرجعت الی انبی صلی الله علیه وسلم فذکرت ذلك له وهو فی حجرتی یتعشی وان فی یده لعرفا فأنزل علیه فرفع عنه وهو یقول قد اذن الله لکن ان تخرجن لحوائجهن) لفظیله مندرج اولان حدیث شریف قادینلرک دفع خرج و مشقت ایچون حوائج ضروریه ایچون اذن زوج ایله خروجلرینک جوازینی ناطقدر .

ینه محل مذکورده و حدیث مذکورک عقبنده (باب استیذان المرأة زوجها فی الخروج الی المسجد وغیره) من الضرورات الشرعیة (شرح القسطلانی) حدثنا علی بن عبدالله حدثنا سفیان حدثنا الزهری عن سالم عن ابیه عن النبی صلی الله علیه وسلم اذا استأذنت امرأة احدکم الی المسجد فلا یمنعها لفظیله . مندرج اولان حدیث شریفک شرحنده بیان اولندیغنه کوره مصنف ترجمه حدیثدن (قادینک مسجد ایله غیریسنه چیقمق ایچون زوجندن استئذان الیمز) دیهرک مسجدک غیریسنی ده ادخال ایلدیکی خالده اثبات ایچون یالکز مسجد حقننده حدیثک ذکر یله اکفایتمش اولدیغنه دائر اولان اعتراضه کرمانی امام بخارینک مسجدک غیریسنی مسجدده قیاس ایلمش اولدیغنی و مسجد ایله غیر مسجدک ارسنده کی جامعکده ظاهر بولدیغنی یعنی حاجت و ضرورت ایدوکنی بیان ایتمکله جواب ویرمشد . بناءً علیه مسجدک غیریسنی بالاده شرحاً ذکر ایلدیکمز اوزره قادینک ضرورات سائر شرعیه سیدر . ایمدی امام بخارینک ذکر اولنان استنباطنه کوره زوجه مسجد ویا سائر حوائج ضروریه شرعیه سنی قضا ایلمک اوزره خروج ایچون استئذان ایلدیکی خالده زوج آکا اذن ویرمیدر . قسطلانی دیورکه مسجد وسائر ضرورات شرعیه حقننده اولان استئذان واذنلرک جمله سنده کرک زوجه طرفندن رأساً وکرک آخر طرفندن تعرضاً زوجه حقننده برکونا مقصدتک حصولدن امین اولق شرطدر .

و نووینک دیدیکی کی بو حدیث ایله قادینک خانّه زوجندن اذن زوج اوله دن خروج ایدمه جکنه استدلال اولمشیدر . چونکه حدیث مذکورده اذن حقننده اولان امر ازواجه توجه ایتمشد . ابن دقیق الغید بو طرز استدلال مفهوم لقبدن اخذ قیلندن اولوب حالبوکه مفهوم لقب ضعیفدر دیهرک تعقب ایتمش ایسه ده قادینلرک دخول و خروج مسئله سنده کی حرکاتنک تقیید و حسن اداره سی رجاله محول بروظیفه اولسی شرع اسلامده (الرجال قوامون علی النساء) نص جلیلی الله مؤید اولان بر قضیه مقره در .

مدنی اولان هر هانکی بر مملکتک حیات اجتماعیه سی دین اسلامک عرض ایلدیکی احکام و تشکیلات احتیاجندن قورتلهماز . بو احکام و تشکیلاتدن محروم اولان هر هانکی بر مملکت نه قدر مدنی اولسه حقیقی مدنیته مالک عد اولنه ماز . قادیناق و عائله تشکیلاتی حقننده کی احکام اسلامیه عین مدنیتر . یوقسه تعصب دیانت دکدر . قادینلرک حکمت تکوینییه سنی ادراک و حیات اجتماعیه نک عائله تشکیلاتنه احتیاجنی تقدیر ایدمه یانلر قادینلره

سطحی بر نظر عطفیله اکتفا و آنلری علی الاطلاق ارککدن فرقسز کورنلر دین اسلامک قادینلق حقنده کی احکام واسعه سنی استغراب ایدرلر و بواسطغراب ایله برابر مزایا و دقائق اجتماعیه سنه و ایقف اوله رق جف القلم آنلرک دیانی بر تعصبک محصولی اولدیفنی سولیکله اکتفا ایدرلر . قادینلر حقنده احکام مخصوصه قبول ایتیموب آنلری بلاقید و شرط ارککلرله برابر اورته ده بر افاق آنلرک حکمت تکنونییه سنی مخصوصیت فطریه سنی تقدیر ایتیه رک و یاییلرک آنلری بازیمجه هوسات و واسطه تطمین شهوات ایلوب بو حالک قادینلق حقنده نه درجه ظلم عظیم اولدیفنی و مستلزم اوله جفی مفاسد و مهالک اجتماعیه نی نظره المامقدرکه بو حال مدنیت دکل ساده سفاهتدن عبارتدر .

دنیاده شرع اسلامی قدر حیات اجتماعیه نی قادینلغی کنه یله تقدیر و قادینلری صیانت ایدن ردین و مدنیتک وجودی تصور اولنه ماز . مدنیت عالم نه قدر ترقی ایدرسه ایتسون و دنیانک نرمه سنده اولورسه اولسون قادینلر دائما و دائما عرضة تجاوز ذکوردر . چونکه بو ، اک طبیعی اولان بر خالدر . بر قادینه تجاوز ايسه روح عفته ، نسل بشره ، بنیه اجتماعیه تجاوزدر .

قادینه تجاوز آنک موافقته اقتران ایتسه ده ابتداء تجاوز ماهیتدن قورنیه ماز . چونکه قادینلر ، فطرتلری حسیه یله بنیه حه اولدیفنی کبی حساً دخی ضعیفدرلر . ایمدی رأساً بر قادینه تعرض ، بعضاً بر ازعاج بسیط حالبده قالیر ایتسه ده بعضاً آتی باشند چیقارمق ، آذیرمق درجه سنه و اصل اولور . بناء علیه قادینه تعرض هر نه صورتله ونه سکلده اولورسه اولسون تجاوز و اذادر . و ذلك قوله تعالى (ذلك اذی ان يعرفن فلا يؤذین) شریعت اسلامیه نك آفاق مدنیت عالمه شعشعه فشان اولان ایکی بدرانوری اولان قرآن عظیم الشان ایله رسول الله صلی الله علیه وسلم افندمزنك احادیث نبویه لرنده نکاح و احکام نکاح و حقوق زوجات و حجاب نسوانه دائر موجود اولان احکامی استقصا ایدنلر دین اسلامده حیات اجتماعیه نك فصل عمیق بر نفوذ احاطه ایله تقدیر و بوکا تبعاً بنیه اجتماعیه نك رکن رکنی اولان قادینلغک نه یولده کشف و تحلیل ونه کبی مشفق و عادل و رصین احکامه تابع طوئیلدیفنی نظر حیرتله کورورلر . رسول الله صلی الله علیه وسلم افندمزن حضرتلری ازدواجی اولقدر اهمیتلی و اولقدر کثرتلی توصیه و امر بیورمشلردرکه بو اوامر و وصایای سنیه لرینی اوقیانلرک مطلقاً نظر دقتی جلب ایتمک قابل دکلدر .

(کا اخرج احمد وابن حبان عن انس لان النبي صلى الله عليه وسلم يأمر بالبلاء وينهى عن التبتل نهياً شديداً ويقول تزوجوا الولود فاني مكاثركم بالام) يعني رسول الله صلى الله عليه وسلم افند من حضر تلى نكاح ايله امر ويكارلقدن شدته نهى ايدر وسوكلې وجوق طوغوران قاديني زوج ايدىكنز . بن سزكله امتلره مباحات ايدىجكم بيورر ايدى . و بر حديث شريفده (شراركم عنابكم) بيورمشلر . (كوتولركز بكارلركز ديمكدر . شريعت معظمه اسلاميه نك بونايدىكى احكام جليله نك علويت وعظمتى دها علمى برصورتده افاده ايتمش اولمق ايچون ديرزكه شريعت اسلاميه ده حالت توقانده اولان بر اركك ايچون نكاح وازدواجك فرض اولديغنده خلاف بوقدر حتى توقان نفسه دوچار اولوب مهر ونفقه به قادر اولان كيمسه زوج ايتز ايسه آتم اولور توقان نفسه دوچار اوليان كيمسه حقدده اختلاف اولنهرق داوود بن على اصفهاني وغيريسى مثللو نفاة قياس اولان اصحاب ظواهر اول كيمسه ايچون نكاحك صوم وصلاة حج زكات كې فروض ايساندن بر فرض اولديغنه حتى مهر ونفقه ووطئه قادر اولوبده نكاحى ترك ايدى نك آتم اوله جفته قائل اولمشلردر . شافعى نكاحك بيع وشرا كې مباحدن اولديغنه قائل اولمشلردر .

ائمه حنفيه دخى نكاحك تعيين صنفده اختلاف ايدرك بعضلرى مندوب ومستحب اولديغنه قائل وكرخى دخى بوكا ذاهب اولمشلردر وبعضلرى فرض كفايه وبعضلرى ده واجب اولديغنى ادعا ايتمشلردر . وجوبه قائل اولانلر دخى كيفيت وجوبده اختلاف ايدرك بعضلرى وجوبك على سبيل الكفايه وبعضلرى صدقه فطر اخيه وتركى على طريق التعيين عملى اولديغنى ادعا ايتمشلردر .

اصحاب ظواهر (فانكحوا ما طاب لكم من النساء) وانكحوا الايامى منكم والصالحين من عبادكم وامائكم آيت كريمه ليله تزوجوا ولا تطلقوا فان الطلاق يهتله العرش) تناكحوا تكثروا فاني اباهى بكم الامم يوم القيمة) حديث شريفلرينك ظواهريله احتجاج ايتمشلردر . ديمشلردر كه حق تعالى حضرتلرى مطلقا نكاح ايله امر ايتمشلردر امر مطلق خلافته دليل قائم اولدقجه قطعياً فرضيت ووجوب ايچوندر . همده زانان امتناع واجبر بوكا ايسه آنجق نكاح ايله توصل اولنور . واجبه كنديسندن بشقه سيله توصل اولنهميان مرهانكى برشى واجبرد . ائمه حنفيه دن نكاحك على طريق التعيين واجب عملى اولديغنه قائل

اولانلر دیشلرکه قرینه دن مطلق اولان امر صیغه سی فرضیه ده ندیده محتملدر . زیرا
امر طلبدر طلب معناسی هر ایکسینده موجوددر .

بناء علیه لاحاله آیان فعل لازمکلور وجوب عملک معناسی ده بودر مکلف صیغه دن
مراد الهی وجوب قطعی اولسون ندب اولسون هر ایکسی حق اولدیغنی اعتقاد ایدر .
زیرا نکاح عندالله واجب ایسه آیان ایله عهددن خروج ایدر وضرردن امین اولور .
واکر مندوب ایسه ثوابه نائل اولور ایمدی بوکا کوره وجوبه قائل اولق کفه احتیاط
ایله اخذ وبقدرالامکان ضرردن احتراز دیمک اولورکه ضرردن بقدرالامکان احتراز شرعاً
وعقلاً واجبدرکه حقیقه دن نکاحک فرض ویاخود واجب اولدیغه قائل اولانلر بوکا بنای
قول ایشلردر . زیرا فرائض وسنی ادا ایله برابر نکاح ایله اشتغال ترك نکاح ایله برابر
نوافل عباداته تخلیدن اولیدر بوده اصحاب طواهرک قوالدر چونکه فرض وواجب ایله
اشتغال نه صورتله اولورسه اولسون تطوعله اشتغالدن اولیدر . مع هذا حقیقه دن نکاحک
مندوب ومستحب اولدیغه قائل اولانلر آنی وجوه اخیری ایله نوافل اوزرینه ترجیح ایدرلر .
اولا نکاح شهسز شندر قال النبی صلی الله علیه وسلم (النکاح سنتی)
سنت بالاجماع نوافل اوزرینه مقدمدر وچونکه رسول الله (فمن رغب عن سنتی فلیس
منی) قول شریفله ترك سنت اوزرینه ایعاد وتهیدد بیورمشدر ترك نوافل اوزرینه ایسه
اصلاً وعید یوقدر .

ثانیاً نکاحی بالذات جناب پیغمبر ایشلمش واکا مواظبت یعنی آکا دوام واندن اصلاً
خالی قالمق صورتیه آنده ثبات بیورمشدر حتی نکاحی تزید ایدردی تاکه کندیسنه
مباح قلنان بر عدد معلومه قدر ابلاغ بیوردی نوافله تجلی افضل اولسیدی رسول الله
نکاحی ایشلمزدی زیرا ظاهر اولان انیا علیهم الصلاة والسلام حد معینی اولان شلرده
افضلی ترك ایتزلر زیرا حد معینی اولان شلرده افضل ترک ایتلری آنلر ایچون زله حد
اولمشدر حق نبی علیه الصلاة والسلامده نکاحک افضلیتی ثابت اولیجه امت حقیقه ده افضلیتی
ثابت اولور زیرا شرائطده اصل اولان عمومدر خصوص ایسه بر دلیله مبتنی اولور .
ثالثاً نکاح نوافل اوزرینه مفضل اولان بر مقصوده موصل اولان بر سیددر زیرا
نکاح نفس زوجک فاحشه دن ونفس زوجه نک کسیدن عجزی حسیله نفقه سکنی ، لباس ایله
هلا کدن صیانته سیدر فضله اوله رق اهل توحید اولان ولدک حصولده سیددر ایشو

مقاصد دن هر بریسی نوافل اوزرینه مفضلدر اولره موصل اولان سبب دخی آنلر کیدر جهاد و قضا کی .

شافیه کلنجه مشار الیه نکاحک مباح اولدیغی حقنده ذکر ایلدیکی دلائل موجبنجه زده دیرزکه نکاح نفسسنده مباح و حلالدر شوقدرکه نفس زوجک زنادن و نفس زوجک هلا کدن صیانت اولمق حیثیتله واجب لغیره یاخود مندوب و مستحب لغیره در فعل واحدک بر جهته حلال و دیگر جهته واجب و یا مندوب اولسی جائزدر .

فتح القدیرکده بو بحث حقنده کی تدقیقانه کلنجه ابن الهمامک اوراده بیاننه کوره نکاحک سبب مشروعی علم ازلیمه بقاء مقدرک وجه اکمل اوزره اولسنه تعلیقدر . یوقسه غیر مشروع اولان وجه اوزره وطی ايله دخی نوعک بقاسی ممکندر . شوقدرکه وجه غیر مشروع اوزره وطی تظالمی ، سفک نمایی ، ضیاع انسانی مستلزمدر .

نکاحک صفت شرعیسی حقنده کی محاکمات

بعضیلری نکاحک حال توفانده بالاجماع واجب اولدیغی سویلشدر . زیرا حال توقانده عدم نکاح سببیه حرامه وقوع یا ظن غالب ايله مظنونه و یاخود خوف وقوع موجود اولور . نهاییده مکلفک عدم نکاح حائله تحرزه متمکن اوله میه جق درجهده زنا یه وقوعدن خوفی اولور ایسه آنک ایچون نکاح فرض اولور .

وجوب نکاح خوف جور معارض اولماق قیدیله مقیددر . خوف جور معارض اولور ایسه نکاح مکروه اولور . چونکه نکاح انجق تحصین نفس ايله جناب حقه عبادت ایدن برودی یتشدر مکله تحصیل ثوابدر . نکاحده جوردن خوفی اولان کیمسه نکاحه اقدام ایتمکله آثم ، نکاحدن مطلوب اولان مصالح منعدم اولور . زیرا اولوقت مفاسد مذکوره راجع اولور . بو حالده ایسه نکاحک حکمی حرمتر . خوف جورک خوف زنا کی تفصیلی لازمدر بناء علیه خوف جور نکاحک فرضیتنی موجب اولان خوف زنا درجهسنه واصل اولور ایسه نکاح حرام اولور و اگر واصل اولمز ایسه نکاح کراهت تحریم ايله مکروه اولور .

بدائعده حال توقانده اولان افتراض نکاح ، ملک مهر و نفقه ايله تنقید اولنمشدر . مهر و نفقه یه قادر اولدیغی حالده قادیلری عدم تزوجه صبر ایده میه جک درجهده توقان نفسه معروض اولوبده تزوج ایتمان کیمسه نک آثم اوله جنی تصریح اولنمشدر و بویابده کی

افاده دن اولیکی عبارده ده علی الالحلاق توقان نفس جالنده افتراض تصریح اولمشدر . حال اعتدله کلنجه داوود ایله آنک اتباعی اولان اهل ظاهر و طیء و اتفاقه قادر اولان کیسه اوزرینه فرض اولدیغنه قائل اوله رق نصوص آتیه ایله تمسک ایتشلردر .
اولا (فانکحوا ما طاب لکم من النساء) آیت کریمه سی .

(ثانیاً قوله صلى الله عليه لعطاف بن وداعة الهلالي) صلى الله عليه وسلم افندمزنك وداعة الهلاليه (الك زوجة ياعكاف) ياعكاف سنك زوجك واريدر (قال لا قال ولا جارية قال لا قال وانت صحيح موسر قال نعم والحمد لله) عكاف جوابا خیر رسول الله جاریه كده می یوقدر عكاف خیر . رسول الله سن ده صحیح البدن وارباب یساردنیمسك عكاف اوت الحمد لله (قال فانت اذا من اخوان الشياطين اما ان تكون من رهبان النصارى فانت منهم واما انت منا فاصنع كما نصنع وان من سنتنا النكاح شراركم عزابكم واراذل موتاكم عزابكم ويحك يا عكاف تزوج قال فقال عكاف يا رسول الله اني لا اتزوج حتى تزوجني من شئت قال فقال صلى الله عليه وسلم فقد زوجتك على اسم الله والبركة كريمة بنت كلثوم الحميري رواه ابو يعلى في مسنده من طريق بقية) رسول الله صلى الله عليه وسلم افندمزن عكافه خطاباً اوله ایسه سن اخوان شیاطیندنسك سن یارهبان نصاردن اولیورسك اوله ایسه سن اونلردنسك ویاخود بزدنسك اوله ایسه بزم بایدیغمز کچی باب بزم ستمزدن بری ده نکاحدر کوتولرکز بکارلرکزدر اولولرکزك اردلرری بکارلرکزدر یاعكاف یازیق سكا اولسون . عكاف جواباً یارسول الله سن خه ایستدیکك قادین ایله تزویج ایدنجه قدر اولنمه دیدی رسول الله صلى الله عليه وسلم افندمزن سكا اسم اللهك یاد و تذکاری و اوغورلی قدملی اولسی تمیسی اوزره كلثوم حمیرینك قیزی کریمه می تزویج ایتدم بیوردی .

ثالثاً صلى الله عليه وسلم (تناكحوا تناسلوا فانی مكاتر بكم الاعم يوم القيمة) بیورمشدر تناكح ایدك تناسل ایدك چونكه بن يوم قیامتده سنك كثر تنكزله مفاخره و مباهاات ایدجكم . مشایخ حنفیه دن نکاحك کیفیت فرضیتده اختلاف ایدرك بعضلری دلیل اول وثالثه بناءً فرض کفایه اولدیغنی بیان ایتشلردر حکمك عامه تعلیق ایسه آنک علی الکفایه اولدیغنی نفی ایتش زیرا کفایه ده اولان وجوب عمیم اوزرینه در وجوب نکاحك فعل بعض ایله سقوطنی تعریف ایدن دلیل سبب شرعیتك معلومیتدر . ایمدی سبب شرعیت نکاح فعل بعض ایله حاصل اوله بیله جك برشی ایسه وجوب نکاح علی الکفایه اولور . ایجاب نکاحدن

مقصود اولان شينك طريق شرعى ايله تكثير مسلمان ايله آنلرك عدم انقطاعى اولديغى ده بزجه عقلاً ادراك اولمشدر نته كيم (قال مكثركم بالامم يوم القيمة) رواه ابو داوود حديث شريفنده علت مذكوره تصریح قلمشدر بوده بعضك فعليله حاصل اولور . عكاف حدیثی ایسه شخص معین اوزرینه ایجابدرکه سبب وجوب آنك شخصی حقنده تحقق ایتمش اولسی جائزدرده اول سیدن طولانی آنك اوزرینه واجب قلمشدر .

وبعضلری نکاحك واجب علی الکفایه اولدیغنی ذکر المشدر زیرا خبر واحد ايله ثابت اولان قطع دكل آنجق ظندر آیت کریمه ایسه مجرد عدد محلی بیان ایچون سوق اولمشدر . وبعضلری نکاح مستحبدر وبعضلری سنت مؤکده در دیمشدرکه اصح اولان بودر استجابی اطلاق ایدنك ده محملدر چونکه چوق کره مستحبك سنته اطلاقده تساهل اولنور . نکاحك مباح اولدیغنی وعبادته تجردك نکاحدن افضل بولدیغنی حقنده امام شافیدن مروی اولان قوله کلنجه حالوکه (افضل) صیغه سنك حقیقت معناسی نکاحك مباح اولدیغنی نفی ایدر چونکه مباحده فضل یوقدر . حق اولان نکاح نیته مقارن اولور ایسه بالطبع ذوفضل اولور وتجرد آندن افضل اولور .

بناءً علیه امام مشارالیه قارشو (من اراد ان یلقی الله طاهراً مطهراً فلیتزوج الحرائر) رواه ابن ماجه الله تعالی یه طاهر مطهر اوله رق ملاقی اولق ایستیان حرا اولان قادینلری تزوج ایسون .

مثلاً . بعض احادیث شریفه ايله استدلاله تصدی اولنور ایسه مشار الیهك مع النیه نکاحده فضیلتی انکار ایتم شوقدرکه عبادته تخلی افضلدر دیرم صورته جواب ویره بیلیر . اولی اولان مشارالیه قارشو جوابده علیه الصلاة والسلام افندمرك نفس هایونلرینك حال مخصوصلری وامت محمدیه لرندن عبادته تخلی ایتمك ایستیانلره قارشى رد واعتراض وعدم مساعدلریه تمسکدر . رسول الله صلى الله علیه وسلم افندمرك تخلی ایتمك ایستیانلره رد واعتراضی عین متنازع فیهده صریحدر . (وهو ما فی الصحیحین ان نقرأ من اصحاب النبی صلى الله علیه وسلم قد سألوا ازواجه عن عمله فی البر فقال بعضهم لا تزوج النساء وقال بعضهم لا آكل اللحم وقال بعضهم لا انام علی فراش فلغ ذلك النبی صلى الله علیه وسلم فحمد الله واتى علیه وقال ما بال اقوام قالوا کذا کذا لکنی اصلی وانا واصلوم وافطر واتزوج النساء فن رغب عن سنتی فلیس منی فرد هذا الحمال رداً مؤكداً حتی تبرأ منه)

محققینده مصرح اولدینی اوزره اصحاب نیدن برطاقم کیمسه لر نجی محترمک سرأ عمل و طاعتلری
ازواج نیدن سؤال ایتدکن صکره بعضلری بن قادینلرله تزوج ایتیم و بعضلری بن ات
یم و بعضلری بن یتاغه یا تم دیمش ایدی کیفیت واصل سمع نجی ذیشان اولنجه جناب نجی
محترم الله حمد و ثنادن صکره بیورمشکه برطاقم کیمسه لر نه اولیورکه بویله بویله دیمشله
آنحقی بن نماز قیلار و او یورم اوزوج طوتار و بوزارم و قادینلری تزوج ایدرم بنم ستمدن
یوز چورن بندن دکدر . دیه رک ترا نکاح ایله عبادته تخلی حالی رد اکید ایله رد
و آندن تبری بیورمشلردر . مع هذا هر نه اولور ایسه اولسون افضلیت دائما اتباعده در
یوقسه بر کونا عبادتک ظاهرینه نظراً نفسه افضل اولدینی مخیل اوله بیلن شیده دکدر .
جناب حق تعالی حضرتلری اشرف انبیاسی ایچون اشرف احوالدن ماعداسنه راضی
اولماشدر رسول اللهک الی الوفاة حال و شانلری نکاحه ملابس اولمق ایدی بناء علیه جناب
حقک رسول اکرمی مدت حیاتنده ترک افضل اوزرینه تقرر ایتیمی مستحیلدر شافعیک
دلیلی اولان حضرت یحیانک حالی آنک شریعتنده افضل ایدی بزم ملتزمده ایسه رهبانیت
منسوخدر تعارض ایتسه لر بیله نجی محترمک حالیه تمسک تقدیم اولتمق لازمکلور . وعن ابن
عباس رضی الله عنهما (تزوجوا فان خیر هذه الامة اکثره انساء) تزوج ایدیکنز بواتمک خیرلیسی
قادینی چوق اولانیدر . نکاحک تهذیب اخلاق ، ابناء نوعک معاشرتنده تحمله آلیشمقله یورمک
کنیشلکی ، تربیه اولاد مصالحنی تحصیلدن عاجز اولان بر مسلمک مصالحنی در عهده ایلمک ، اقارب
مستضعفینه اتفاق ، حرملیه کنندی نفسک عفتنی تأمین کندیسیله حرمنک اوزرندن فتنه نی دفع
قادینلری سواقعه چیقوب تحصیل نفقات ایلمک کلفتدن آزاده قیلهرق آنلری خانه ده اسکان و محافظه
کنندی نفسنی تأدیپ ایله عبودیتنه تأهیل و غیر یسنی ده تأهیله سبب اولمق و اول غیرنی نماز قیلمقله
امر ایتمک مثللو مشتمل اولدینی فوائد حلیله نی تأمل ایدن کیمسه نکاحک عباداته تخلیدن
افضل اولدینه جزم ایتمکده اصلاً توقف ایتز اما بو کیفیت نکاحه خوف جورده معارض
اولمک خلافتنه ملابسدر زیرا بوزاده سوز محضاً فرائض و سنی ادا ایله برابر اعتدال
حقنده در یوقسه خوف جور حالی حقنده دکدر . امام شافعیک عندنده نکاح نیته مقارن
اولمز ایسه مباح عد اولنه جفنی سابقاً ذکر ایتمش ایدک چونکه اول حالده نکاحدن مقصوده
مجرد قضای شهوتدر مبنای عبادت ایسه بونک خلافتنده در بز معاشر حقیقه دیرزکه نیته
مقارن اولیان و قضاء شهوت ایچون اولان نکاحده دخی فضیلت واردر زیرا قضاء شهوت
ایچون تأهل ایدن کیمسه طریق مشروعک غیر یسیله ده قضاء شهوته متمکن ایدی بناء علیه

نكاحك مستلزم اوله جنبى اتقالى بيله رك طريق غير مشروعدن نكاحه عدولده ترك معصيت
قصدي واردركه بوكا مثاب اولور وحالتى مستحسن اولمسه مبنى حقهده معاونت مستحقدر
قال صلى الله عليه وسلم ثلاثة حق على الله عونهم المجاهد فى سبيل الله والمكاتب الذى يريد
الاداء والناكح الذى يريد العفاف صححه الترمذى والحاكم اوچ كشى واردركه آنلرم
معاونت الله تعالى اوزرينه حق ووعددر بونلر فى سبيل الله مجاهد اولان بدل كتابى
ادايى قسد ايدن مكاتب ، تعفف ايچون تاهل ايدن كيمسه در اما قاديى محضا عزوجاهى
مالى وياحسب وشرفى ايچون تزوج ايدرايسه بو حال شرعاً ممنوعدر قال صلى الله عليه وسلم من
تزوج امرأة لعزها لم يزد الله الا ذلًا ومن تزوجها لما لها لم يزد الله الا فقرا من تزوجها
لحسبها لم يزد الله الا دناءة ومن تزوج امرأة لم يرد بها الا ان يغض بصره ويحصن فرجه
او يصل رحمه بارك الله له فيها وبارك لها فيه رواء الطبرانى فى الاوسط وقال لا تزوجوا
النساء لحسبن فعسى حسنن ان يردبن ولا تزوجوهن لاموالهن فعسى اموالهن ان تطغيهن
ولكن تزوجوهن على الدين فلائمة خرقاء سوداء ذات دين افضل رواء ابن ماجة من طريق
عبد الرحمن بن زياد بن اطمع وعن معقل بن يسار قال جاء رجل الى رسول الله صلى الله عليه
وسلم فقال يا رسول الله انى أصبت امرأة ذات حسن وجمال وحسب منصب ومال الا انها
لا تلد افاتزوجها فهاه ثم اتاه الثانية فقال له مثل ذلك ثم اتاه الثالثة فقال تزوجوا الودود
الولود فأتى مكاتر بكم الامم رواء ابو داود والنسائى والحاكم وصححه

اعضادن

۱۸ اغستوس ۳۳۰

سيمر نسيب



حکمت تشريع

بيدك الخبير

خير وشر — خلاق جهان اهل سنت وجاهت عندنده خيرى ده ، شرى ده اراده
ايدر ، يارادير ؛ فقط معتزله عندنده خيرى اراده ايدر ، خيرى يارادير ايسه ده شرى اراده
وخلق ايتمز. بوكا مبنى رئيس اهل اعتزال قاضى عبد الجبار همدانى ائمة اهل سنتدن استاد
ابو اسحق اسفرائينى به « سبحان الذى تنزه عن الفجشاء » ديمش ايدى .